

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U LUKAVCU  
Broj: 126-0-Su-22-000664-9  
Datum: 08.08.2022.godine

Na osnovu člana 64. stav 1. tačka b), člana 70. i člana 89. Zakona o javnim nabavkama („Službeni glasnik BiH“, broj: 39/14), člana 31. stav 1. Zakona o sudovima u Federaciji BiH („Službene novine F BiH“, broj 38/05, 22/06. 63/10, 72/10, 7/13 i 52/14), na preporuku Komisije za javnu nabavku, broj: 126-0-Su-22-000664-8 od 05.08.2022. godine, predsjednica Općinskog suda u Lukavcu, *donosi*

## O D L U K U O IZBORU NAJPOVOLJNIJEG PONUĐAČA

### I

Prihvata se preporuka Komisije za javnu nabavku, broj: 126-0-Su-22-000664-8 od 05.08.2022. godine, te se Ugovor za javnu nabavku Naprave za klimatizaciju - Klima uređaja (sa ugradnjom, montažom i puštanjem u rad klima uređaja), količina: 13 komada, sa tehničkim karakteristikama navedenim u tehničkoj specifikaciji tenderske dokumentacije – JRJN – 39717200-3, za potrebe Općinskog suda u Lukavcu dodjeljuje ponuđaču **PC ONER d.o.o. Lukavac, ul. Branilaca Bosne bb (Lamela c), 75300 Lukavac** - za ponuđenu cijenu u iznosu od **9.400,00 KM** bez PDV-a, popust na cijenu ponude je: 0,00 KM, odnosno **10.998,00 KM** sa PDV-om.

### II

Odabrani ponuđač iz tačke I. ove Odluke dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti orginale ili ovjerne kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) uvjerenje nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan,
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da izabrani ponuđač propusti dostaviti dokaze iz prethodnog stava I. u navedenom roku ili dostavi neprihvatljive dokaze, ova odluka će se poništiti.

Prijedlog ugovora dostavit će se na potpis izabranom ponuđaču u roku do 10 dana, osim ukoliko nije uložena žalba.

### III

Ova odluka objavit će se na web-stranici suda, [www.opsud-lukavac.pravosudje.ba](http://www.opsud-lukavac.pravosudje.ba), istovremeno sa upućivanjem iste ponuđačima koji je učestvovali u postupku javne nabavke, u skladu sa članom 70. stav 6. Zakona o javnim nabavkama.

#### IV

Ova Odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke u skladu sa članom 71. stav 2. Zakona o javnim nabavkama.

#### V

Po pravosnažnosti ove Odluke, Ugovorni organ će pozvati ponuđača radi zaključenja predmetnog ugovora kojim će regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

### O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, broj: 126-0-Su-22-000664-1 od 20.07.2022. godine.

Javna nabavka je sprovedena po postupku – Konkurentski zahtjev za dostavu ponuda – tenderska dokumentacija, broj: 126-0-Su-22-000664-4 od 21.07.2022. godine. Obavještenje o nabavci je objavljeno na Portalu javnih nabavki, obavještenje o nabavci broj: 368-7-1-13-3-2/22 od 22.07.2022. godine.

Procijenjena vrijednost ukupne javne nabavke Naprave za klimatizaciju - Klima uređaja (sa ugradnjom, montažom i puštanjem u rad klima uređaja), količina: 13 komada, sa tehničkim karakteristikama navedenim u tehničkoj specifikaciji tenderske dokumentacije – JRJN – 39717200-3 za potrebe Općinskog suda u Lukavcu bez PDV-a iznosi: **9.401,71 KM**.

Komisija za javnu nabavku imenovana Rješenjem predsjednika Općinskog suda u Lukavcu, broj: 126-0-Su-22-000664-2 od 20.07.2022. godine, je dostavila: Zapisnik o otvaranju ponuda, broj: 126-0-Su-22-000664-6 od 05.08.2022. godine, Zapisnik o pregledu i ocjeni ponuda, broj: 126-0-Su-22-000664-7 od 05.08.2022. godine i Preporuku o izboru najpovoljnijeg ponuđača, broj: 126-0-Su-22-000664-8 od 05.08.2022. godine.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih ponuda: 1 (jedna) ponuda,
  - Da je broj blagovremeno zaprimljenih ponuda: 1 (jedna) ponuda,
  - Da nema neblagovremeno zaprimljenih ponuda,
  - Da je ukupan broj prihvatljivih ponuda: 1 (jedna) ponuda od ponuđača:
- PC ONER d.o.o. Lukavac, ul. Branilaca Bosne bb (Lamela c), 75300 Lukavac (djelovodni broj ponude: 01/22) - ponudena cijena u iznosu od **9.400,00 KM** bez PDV-a, popust na cijenu ponude je: 0,00 KM, odnosno **10.998,00 KM** sa PDV-om.

Za predmetni postupak javne nabavke je predviđena E-aukcija.

Obzirom da je pristigla jedna prihvatljiva ponuda e-aukcija se ne može zakazati prema članu 3. stav 3. Pravilnika o uslovima i načinu korištenja E-aukcije ("Službene novine BiH", broj: 66/16).

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu ispunjavanja kvalifikacionih uslova, te ocjenu prispjelih ponuda ponuđača u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupala, te da je preporuka za izbor najpovoljnijeg ponuđača data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Iz navedenih razloga, primjenom člana 64. stav 1. tačka b) i člana 70. stav 1. i 3. Zakona o javnim nabavkama („Službeni glasnik BiH“, broj: 39/14), te na osnovu člana 31. stav 1. Zakona o sudovima u Federaciji BiH („Službene novine F BiH“, broj: 38/05, 22/06, 63/10, 72/10, 7/13 i 52/14), odlučeno je kao u dispozitivu tačke I. do V. ove Odluke.

**POUKA O PRAVNOM LIJEKU:**

Protiv ove odluke može se izjaviti žalba u roku od 5 (pet) dana od dana prijema Odluke o izboru najpovoljnijeg ponuđača, a sve u skladu sa članom 99. i 101. tačka 5.) Zakona o javnim nabavkama.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje 3 (tri) primjerka.

**Dostavljeno:**

1. PC ONER d.o.o. Lukavac,  
ul. Branilaca Bosne bb (Lamela c), 75300 Lukavac,
2. Komisija za javnu nabavku,
3. Računovodstvu-2x,
4. a/a.

